

## **Kalaallit Nunaanni sulisilluni ajoqusernerit isumannaarnissaannik inatsit malillugu sulisilluni ajunaarnerit nalunaarutigineqartarnerat pillugu nalunaarut**

Kalaallit Nunaanni sulisilluni ajoqusernerit isumannaarnissaat pillugu inatsisimmi nr. 1528, 21. december 2010-meersumi § 39, imm. 1 aamma 3 aamma § 75 naapertorlugit aalajangersarneqarpoq:

**§ 1.** Nalunaarut manna malillugu sulisilluni ajoqusernerit tassaapput Kalaallit Nunaanni sulisilluni ajoqusernerit isumannaarnissaat pillugu inatsimmi §§ 5 aamma 6 malillugit ajoqusernerit pineqartut.

**§ 2.** Sulisilluni ajoquserneq inatsit malillugu pisartagaqarnissamut tunngavissaqartutut isigineqarpat tamanna ajoqusernermi piaartumik kingusinnerpaamillu ullut qulingiluat qaangiunneranni nalunaarutigineqassaaq.

*Imm. 2.* Ullormit ajoquserfimmit sapaatit akunneri tallimat qaangiunneranni ajoqusertoq tamakkiisumik suleqqilinngippat ullormit ajoquserfimmit sapaatit akunneri tallimat qaangiunnerannit kingusinnerpaamik ullut qulingiluat qaangiutsinnagit ajoquserneq nalunaarutigineqassaaq.

*Imm. 3.* Sulisilluni ajoquserneq toqumik kinguneqarsorineqarpat tamanna pillugu nalunaaquttap akunneri 48-it qaangiutsinnagit Arbejdsskade styrelsi ilisimatinneqassaaq. Suliffimmi toqukkut qimagunnerit suulluunniit imm. 1-2 malillugit nalunaarutigineqareersimasut taamatutaaq nalunaarutigineqartassapput.

**§ 3.** Elektroniskiusumik imaluunniit pappiaqqat immersuiffissat oqaasertalersoriikkat atorlugit nalunaaruteqartoqartassaaq.

*Imm. 2.* Imm. 1 malillugu nalunaaruteqarnermi paasissutissat ilanngussaq 1-imi taaneqartut nalunaarutigineqassapput.

*Imm. 3.* Elektroniskiusumik Center for Arbejdsskaderimut nalunaaruteqarnermi [www.anmeld.gl](http://www.anmeld.gl) atorneqarsinnaavoq.

*Imm. 4.* Sulisilluni ajunaarnerit elektroniskiusumik nalunaarutigineqartussaannigitsut uunga nalunaarutigineqartassapput: Center for Arbejdsskader, Postboks 156, 3900 Nuuk imaluunniit Arbejdsskade styrelsen, Sankt Kjelds Plads 11, Postboks 3000, København Ø.

**§ 5.** Nunami allami ajoquserneq §§ 3 imaluunniit 4 malillugu nalunaarutigineqarsinnaanngitsaq danskit konsuleqarfiannut nalunaarutigineqassaaq tassanngalu Center for Arbejdsskaderimut imaluunniit Arbejdsskade styrelsimut ingerlateqqinneqassalluni. Piffissat killiussat siuliani taaneqartut iluanni nalunaarutiginnittoqassaaq.

*Imm. 2.* Umiartornermi ajoquserneq umiarsuup/angallatip nunamut attaveqarneranit naatsorsuullugu kingusinnerpaamik nalunaaruteqarnissaq piffissamik killeqartinneqassaaq.

**§ 6.** Sulisitsisoq isumannaarisussaataasooq nalunaaruteqartussaataanermit akisussaavoq, tak. inatsimmi § 36, imm. 1.

*Imm. 2.* Sulisut namminneq angerlarsimaffimminni imaluunniit imminnut sullitsillutik ajoqusernut isumannaarinissamullu pisussaaffigineqanngitsut, tak. inatsimmi § 52, imm. 6, nalunaarutiginnissaat sulisitsisup pisussaaffigai.

*Imm. 3.* Namminersortut aamma aappaasutut suleqataasut ajoqusernut, inatsimmi § 52, imm. 2 malillugu imminnut sillimmasersimasut aamma nunatsinni inuit inuunerannik annaasiniarnermi ajoqusernut, tak. inatsimmi § 4, imm. 2, imminnut nalunaarutiginnissapput imaluunniit qimataminnit nalunaarutigineqassallutik.

**§ 7.** § 2, imm. 1-2 malillugit nalunaarutiginninngitsoorneq akiliisitaanermik kinguneqassaaq, tak. § 75.

*Imm. 2.* Akileeqqusinissaq pillugu Arbejdsskadestyrelsi politinut saaffiginnissaaq.

**§ 8.** Nalunaarut manna 1. januar 2011-mi atuutilerpoq ullormilu atuutilerfimmil kingusinnerusukkulluunniit ajoqusernertut atuutissalluni.

*Arbejdsskadestyrelsen, ulloq 21. december 2010*

ANNE LIND MADSEN

/ Tor Even Münter